



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus II. De beneficijs, quæ possunt, vel non possunt, renuntiari.

[urn:nbn:de:hbz:466:1-73031](#)

mota, cedat: si per tres annos eam non prosequatur: si in ordinibus constitutus, se militiae adscribat; & alijs modis, de quibus Flamin. lib. I. de resign. q. 1. expressa fit, quando agitur dissertis verbis; & subdividitur in *puram & conditionalem*. Puram fit sine conditione, & pacto apposito: & tunc Ordinarius potest conferre beneficium, cui voluerit. Conditionalis, seu in favorem, vel est *simplex* (ut quando fit absque reservatione) vel est qualificata, ut quando fit, reservato sibi jure regressu, vel ingressu, vel pensione, vel aliquib⁹ fructib⁹.

Conditionata renuntiatio quatuor modis fieri potest. 1. in favorem certæ personæ cum clausula, ut conferatur *huic, & non aliter*, vel *non alias*; 2. si alteri quis resignet beneficium, sibi reservando fructus, vel ex toto, vel ex parte, aut pensionem annuam constitutam, aut in beneficio resignato, aut in persona Resignatarij; 3. resignando conditionaliter, causâ permutationis; 4. resignando alteri, reservato sibi regressu, vel ingressu, aut accessu.

^{2070.} Sub prædictis igitur etiam continetur renuntiatio, aut cessio reciproca, & triangularis. Utramque exponit Lessius cap. 35. n. 87. & 88. Reciproca cessio datur, v. g. quando resigno meum beneficium in favorem tui nepotis, ut tu in favorem mei nepotis resiges tuum. Hæc extra casum permutationis, est jure prohibita, c. *quaesitum, de rerum permutat*. Triangularis resignatio datur, quando v. g. renuntio meo beneficio in favorem Petri, ut Petrus suo cedat Paulo, & Paulus suo cedat mihi. Fieri enim potest, ut beneficium Pauli sit commodius mihi: Petri vero sit commodius Paulo, & meum Petro. Sic figuratur quasi triangulus in resignatione, in qua datur simonia juris humani, juxta Navarr. in Enchir. cap. 28. n. 100. Præterea sunt quædam in resignationibus retrocessiones improbatæ à Trid. sess. 25. c. 7. de Reform. quas vocant *regressum, ingressum, & accessum*. Regressus est jus ad beneficium dimissum, quod antea possidebatur, revertendo: & datur, quando jus beneficium à se possessum cedit alteri, reservato sibi jure regrediendi ad illud, causa quo resignatarius, id est, is, cuius gratia beneficium dimittitur, naturaliter, vel civiliter præmoriatur, aut fit Episcopus, aut pensionem constitutam non solverit.

Ingressus dicitur, quando quis beneficium, cuius titulum & jus canonice obtinuerat, sed non possessionem, ea conditione resignat, ut si resignatarius præmoriatur, aut Episcopos fiat, ipse possessionem talis beneficij ingrediatur, & propria autoritate accipiat: Accessus est jus, alicui datum, capessendi beneficium, cuius possessionem ante non acceperat, aliqua lege Canonica impeditus; v. g. Prælatus desiderat providere Petro de beneficio, sed quia Petrus vel defectu ætatis, vel censuræ, aut irregularitatis vinculo impeditus est, confert suo Pædagogo, dando jus Petro, ut quam primum expeditus fuerit, accedat, & propria autoritate beneficium accipiat. Quænam autem sit regula de infirmis resignantibus, & quid ibi veniat infirmitatis nomine, declarat latè Azor p. 2. l. 7. c. 28. & dicemus l. 3. ubi de *Regul. Cancellar. Apostol. V. tamen infra num. 2075. Q. not. 5.*

ARTICULUS II.

De beneficijs, que possunt, vel non possunt, renuntiari.

^{2071.} Ad 1. Resp. regulam communem esse, *Omnia beneficia; cujuscunque generis, vel qualitatis sint, renuntiari posse, nisi hoc specialiter jure aliquo scripto, prohibetur; sic Azor p. 2. l. 7. c. 25. q. 1. adeoque etiam in favorem alterius, beneficia manualia, per gloss. in Clement. unic. de suppl. neglig. Prelat. V. Revocari: 2. beneficia patrimonialia; sic Parisius l. 2. de Resignat. benefic. q. 11. n. 2. 3. quæ in aliqua Ecclesia optari possunt 4. ; Patronata; 5. Electiva; 6. Exempta; 7. reservata Sedi Apostolice. Ratio omnium est, quia quilibet renuntiare potest juri sibi competenti, nisi lege prohibetur, etiam in Spiritualibus, seclusa lege prohibente. Quædam tamen ad certum modum limitata sunt; hinc renuntiatio beneficij Patronati, requirit consensum Patroni; & facta sine illo, est irritanda; valet tamen, si accedit prius consensus Patroni; et si Pontifex renuntiationem, sine illo consensu factam, admittat cum derogatione juris Patronatus, non requiritur consensus Patroni. Nam, cum jus Patronatus sit mera gratia (c. 1. de jure Patron.) ei, si exprimat, ex plenitude*

dine potestatis, derogari potest. Si autem resignatione, sine consensu Patroni, facta, per legitimum Superiorem admissam, beneficium, alteri collatum sit, & renuntians moriatur, illud vacat per obitum resignantis; quia talis resignatione alteri nondum constituit jus irrevocabile; sic Azor *cit. q. 4.*

Similiter, in renuntiatione beneficij electivi, requiritur consensus eligentium, sine quo, *saltet subsequentem*, fieri non potest in alterius gratiam; & rescindi potest. Sufficit autem consensus majoris partis, si fiat in utilitatem alicujus Ecclesiae; si autem in utilitatem alterius, consensus debet esse omnium; sic Azor *cit.* Et quamvis de jure renuntiationem beneficij reservati, pure, & absolute factam, Ordinarij possint admittere; non tamen possunt conferre alteri; quia renuntiatio non tollit reservationem; quamvis Azor *cit.* referat constitutionem Innocentij VIII. (quæ incipit: *sicut bonus pastor*) qua revocat omnes facultates resignandi beneficia reservata.

2072. Ad 2. *q. 2.* inter beneficia, quæ renuntiari non possunt, numerari 1. beneficium litigiosum, pendente lite super beneficio; arg. totius tit. ff. & C. de Ligitiosis: 2. beneficium unitum, etiam antequam unio sortiatur effectum; 3. beneficium in commendam temporalem datum, donec Ecclesia de Reclatore provideatur per c. *Nemo, de elect. in 6.* aliud est, si illi sit commendatum perpetuo; quia tunc haberet jus in re; 4. pensiones datas jure, ac titulo beneficij Ecclesiastici. Loquimur autem de beneficio viventis, absque ejus præjudicio, alteri sic unito, ut unio, mortuo beneficario, vel aliter vacante beneficio, effectum sortiatur. Sic enim is, cui unitum est, per unionem habet jus ad rem quæsumum; cui beneficiatus præjudicare non potest, cedendo jus suum alteri; quia sic unionis effectus, vel omnino impediri, vel nimium suspensi posset, contra intentionem unitatis; & dispositionem Tridentini, *sess. 2. 3. c. 18. de reform.* ibi: *nec per resignationem ipsorum beneficiorum uniones, & applicationes suspendi, vel ullo modo, possint.*

2073. Præter hæc not. si beneficiatus facultatem renuntiandi beneficio, alteri taliter unito, petat ab eo, qui renuntiationem, e-

tiam in favorem tertij, admittere potest, requiri, quod exprimat *unionem factam*; alias admissionem fore nullam, cum admittens, ubi non exprimit, non intendat supplicantis conferre gratiam, *cum præjudicio tertij*, de quo nulla mentio in Supplicatione præcessit. Et ideo renuntians, facta taliter invalidè renuntiatione, vi hujs non amittit jus beneficij, quod habuit; licet, si, *sciens nullitatem renuntiationis*, propter eum defectum, nihilominus unionis mentionem suppressit, in pœnam coprivari possit, aut privetur: si vero Pontifex renuntiationem beneficij, sic uniti, in favorem tertij factam, cum expressione illius unionis admittat, unionem non extingui, sed suspendi ad tempus mortis Resignatarij. Nam talis admissio, cum respectu tertij contineat odium, seu gravamen, exponi debet minori damno tertij, quo potest; nisi admittens expresse simul, vel omnino tolleret vinculum unionis; vel facultatem tribueret, etiam Resignatorio, pariter sic renuntiandi.

ARTICULUS III.

De his, qui possunt, vel non possunt beneficia renuntiare.

OMNES regulariter, ex justa causa, ²⁰⁷⁴ possunt dimittere sua beneficia, si ipsis, & non alteri, jus in eis sibi quæsumum habent; id, quod procedit in qualibet dignitate Ecclesiastica, etiam Archi-Episcopali, Cardinalitia, imo & Papali, ut constat *ex c. 1. h. t. in 6.* Papalis autem resignatio, non indiget superioris admittance, cum Superiore non habeat, *gloss. in cit. c. 1. V. Videbatur.* Dux regulariter; nam in quibusdam fallit, nec omnes æque facile audiuntur. Hinc not. 1. renuntiations *Canonicatum*, & beneficiorum *simplicium*, facile admitti, si beneficiato aliunde provisum sit de honesta sustentatione; non item beneficij *Parochialis*; cum habeatur ratio plebis; & ideo renuntians exprimere debet tempus (v. g. quod saltet tribus, vel quatuor annis illi Ecclesiae serviverit) *Parisijs l. 3. de resign. benefic. q. 2. n. 21.*

Not. 2. renuntiations *Prælatorum*, qui ordinariam, vel generalem jurisdictionem obtinent, ut sunt *Abbates, & Pralati Regula-*